



### Stories dal Vedl Testament

Tal pröm liber (Génesi) cunta la Bibia dal meterman dal monn y dles prömes porsones söla tera. Chel Bel Dio á cherié te sis dis le soredl, la löna, les steres, la tera, les plantes y i tiers. Ennultima ál ince cherié la porsona y al ti á dé de compit da ciaré dla tera, dles plantes y dai tiers.

Le setimo de á Chel Bel Dio palsé. Dô i set dis dla creaziun partiunse ince nos ete le tomp: l'edema á set dis y la domegna é le dé de palsa.

Chel co cunta le meterman dal monn n'é degügn scienzié. Al ne podea nia ciamó sei che l'univers s'á formé te trec miliarc de agn. Con cösta storia orêl mostré che döt é de Chel Bel Dio. Ince tö es orü da Chel Bel Dio.

Y ensciö desco con te, ésera ince con la creaziun: ince sce tö vegnes da tü geniturs y cresces sö te trec agn, este cherié y orü da Chel Bel Dio. El t'ô bun sonza fin. Chel Bel Dio á ince orü cösta tera y al ti ô bun.

La Bibia n'é nia en liber de scionza mo en liber con stories de jont co á fat esperionzes con Chel Bel Dio.

En n'atra storia cunta de Noé. Te chel tomp ea la jont der mariziosa y Chel Bel Dio á orü ciamó en iade meter man danö. Y Noé dea atló le daidé. Al á comané a Noé da fá sö na gran barca y da ciarié sö söa familia y en per de dotes les sorts de tiers co viea söla tera. Spo él gnü na gran plöia söla tera y á inondé döt cant. Empormó do trepes edemes s'á l'ega trat zoruch y Noé podea endo gní jö de barca. Desco segno che Chel Bel Dio ne lasciará mai plü inondé döt la tera ál fat slominé en gran anterbanch sora la tera. Cina aldedancö é cösc en segno de söa fedelté.



### Vita de ploania y de paisc

- **Iolan y Dio s'al páii dles ofertes en recort dla † Nese Taibon ved. Erlacher:** Skiarea Al Plan, Hansi y Zilia Erlacher y familia Rigo Matlogn por la dljia y l'orgo.
- **De dla vita:** con desplajei mess l'Uniun dles Eres lascé alessei che eniann ne podarán nia meter da jí na festa por i picci mituns en le "De dla vita", ai 7 de forá.

<b>Döt le bun a:</b>	Paola Rigo Vigg, <i>Rina</i>	* 01.02.1933
	Sig. Klaus Sottsas, <i>ploan</i>	* 03.02.1965
	María Teresa Ploner Obojes, <i>Al Plan</i>	* 04.02.1946
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



VAL BADIA  
www.unitepastorala.org

Ann B

31.01.2021 - 4. domegna ia por l'ann

n. 10

## La potenza dla parora

📖 Deut 18, 15–20 | 1 Cor 7, 32–35 | Mc 1, 21–28

### Dal Vangelo do San Merch:

<sup>21</sup>A Cafárnaum ea Gejú jü le de de sábat tla sinagoga y á motü man da ensiné. <sup>22</sup>Y la jont se fajea demorveia de so insegnamont; deach'al ti ensinâ desco önn co á autorité, y no desco i studiés dla lege. <sup>23</sup>Te söa sinagoga êl sonté n el co ea empossessé da n spirit impur. Chel á motü man da scraié: <sup>24</sup>Ci anse pa nos da fá con te, Gejú da Názaret? Este gnü a nes paré tla roina? I sa che che tö es: le Sant de Dio. <sup>25</sup>Danló l'á Gejú comané: Scuta y láscele! <sup>26</sup>Le spirit impur, stracenn chel el ia y ca, l'á lascé con n der scraiamont. <sup>27</sup>Danló s'á düc spordü, y ai se damaná önn l'ater: Ci é pa cösc? N insegnamont nō, encündé con autorité! Cinamai i spiric impurs ti olga a so comane. <sup>28</sup>Y so ennom se slariâ fora debota te döt le raiun dla Galilea.

**I ponsun do:** *La Parora de Dio desmostra ince ciamó aldedancö söa faziu: jont co n'á ciamó mai aldí val de Chel Bel Dio tol sö le Vangelo con reconescionza; jont co s'á destanzié dá ota y röa endô pal Dio de söa infanzia; trepes porsones zonza speranza ven consolades canch'ares encunta Gejú. La Parora de Dio se convertesc ince ciamó aldedancö y se delibreia dal rio spirit dal egoism y dl'ostinaziun; ara se delibreia dla tema y dla desperaziun, deach'al é na parora potentia.*

**I periu:** *Bel Dio, la Parora de to Fi pó müdé nosta vita. Deidesse ch'i sunse bogn da creie tla forza de töa Parora. Por Crist, nosc Signur.*

Vesco Wilhelm Egger "Sonntagsbibel"

📖 Letöres dla 5. domegna ia por l'ann:  
Iob 7, 1–4.6–7 | 1 Cor 9, 16–19, 22–23 | Mc 1, 29–39



**"Le lingaz dal amur  
é le su lingaz  
che döt la jont capesc".**  
Ujöp Freinademetz

Edema liturgica dai 31.01. ai 07.02.2021

<b>DOM 31.</b>	<b>4. domegna ia por l'ann FESTA DE SANT'UJÖP DA OIES</b> <i>offerta por la ploania</i>	<i>Giovanni Bosco, Scebio</i>
<b>08:30</b>	<b>gran messa</b> en onú de Sant'Ujöp da Oies por döta la ploania <b>s.m.</b> por †† dla familia Erlacher de Tomele <i>♫ grup dal Cor</i>	
<i>10:00</i>	<i>s.m. a Al Plan</i>	
<b>Lön 01.</b>	<i>Brigitte, Giovanna</i>	
<i>18:00</i>	<i>s.m. a Al Plan</i>	
<b>Ded 02.</b>	<b>FESTA DLA PRESENTAZIUN DAL SIGNUR TAL TEMPL</b> <i>S. Maria dles cianderes, dal poch, (patrozinio)   De dla vita consacrada</i>	
<b>→ 08:30</b>	<b>benedisciun dles cianderes y s.m.</b> en onú de Santa Maria <b>s.m.</b> por i prei y les mognans vis y †† de nosta ploania <b>s.m.</b> dal ann por † Carlo Pedevilla, La Munt <i>♫ grup dla Musiga</i>	
<b>Dem 03.</b>	<i>Blaje, Ansgar, Oskar, Simeon y Hannah</i>	
<b>Jöb 04.</b>	<i>Rabanus Maurus, Agata, Veronika - de d'oraziun do vocaziuns</i>	
<b>→ 19:10</b>	<b>corona por perié do vocaziuns</b>	
<b>19:30</b>	<b>s.m.</b> de rengraziamont dla fam. Jan Paul y Patrizia Ritsch, La Pli <b>s.m.</b> por †† Vigile y Maria Comploi, Möra	
<b>→</b>	<b>benedisciun de San Blaje</b>	
<b>Ven 05.</b>	<b>pröm vendres - Ingenuin y Albuin veschi de Jênn, Adelheid, Elisabeth</b>	
<b>→</b>	<b>signor ploan va a proveder</b>	
<b>Sab 06.</b>	<i>Paul Miki y compagns, Dorotea, Amando</i>	
<i>18:00</i>	<i>s.m. prefestia a Al Plan</i>	
<b>19:30</b>	<b>s.m.</b> prefestia de rengraziamont en onú de Santa Maria d'La Pli y de San Padre Pio <b>s.m.</b> en recort de signor Heinrich Videsott por la sanité dla fam. Paul y Maria Pedevilla	
<b>→</b>	<b>benedisciun de San Blaje</b>	
<b>DOM 07.</b>	<b>5. domegna ia por l'ann   DE DLA VITA</b> <i>Eugenio</i>	
<b>08:30</b>	<b>gran messa</b> en onú de Santa Maria por döta la ploania <b>s.m.</b> por la familia de Sotrú y söes families <i>offerta por la ploania</i>	
<b>14:00</b>	<b>funziun dal Bato de Damian Erlacher</b>	
<i>10:00</i>	<i>s.m. a Al Plan</i>	
<i>ampola:</i>	en onú de Santa Maria	
<i>ministronc:</i>	<b>• dedolönesc y sabeda:</b> Judith y Jacklyn <b>• jöbia y domegna:</b> Sonia y Florian	
<i>i recordun:</i>	Berto Ellecosta † 01.02.2015 Carlo Pedevilla, La Munt † 02.02.2020	



Sant'Ujöp Freinademetz – Ejempl de na fede via y d'amur por i atri

I periun: Oh Dio, Pere tal ci, sant Ujöp Freinademetz sontia la fede desco na scincunda de ligreza y contenteza. Ensciö ál ciafé la forza da sté ete con söa vita, zonza sté a ciaré de se enstes, por condü i atri ala fede. Unis a d'el te periunse:

- Fá che i bacês conesci ci tesur che te i as scinché tla fede te Gejú Crist, *I te periun, ascútesse.*
- Deida i prei y düc chi co fej n sorvisc tla Dlijia da dé testimonianza che nosta fede nes dá la liberté y la forza de oreibun zonza sté a ponsé a nos enstesc.
- No lascé la jont t'l'ignoranza y fá che düc röi a creie che t'as mené Gejú Crist a salvé döta la jont y a ti porté la vita deplen.

- A düc chi co se dejidreia do na vita garatada, lasci odei ete ch'ai la ciafa tla fede te Gejú Crist.
- Condüj düc i bacés co á pordü la fede, endô söle tru pomez a Gejú Crist y renforza tla fede chi co é gnüs malsogüsc.

- Láscesse esperimenté la ligreza dla fede y deidesse ester testimoni dla bona noela de Gejú Crist.

Bun Dio, i te dijun iolan por la scincunda dla fede. Renforza nosta fede, ch'i metunse nosta vita con döta la creta te töes mans y ch'i adempiunse con fedelté le compit che te nes as sorandé. Do cösc te periunse por Crist, nosc Signur. Amen

*fora de na novena*

Festa dla Presentaziun dal Signur – De dla vita consacrada



***I miei occhi han visto la tua salvezza.***

Gli occhi di Simeone han visto la salvezza perché la aspettavano. Erano occhi che attendevano, che speravano. Cercavano la luce e videro la luce delle genti. Erano occhi anziani, ma accesi di speranza. Lo sguardo dei consacrati non può che essere uno sguardo di speranza. **Saper sperare.**

Guardandosi attorno, è facile perdere la speranza: le cose che non vanno, il calo delle vocazioni... Incombe ancora la tentazione dello sguardo mondano, che azzera la speranza.

Ma guardiamo al Vangelo (Lc 2,22-40) e vediamo Simeone e Anna: erano anziani, soli, eppure non avevano perso la speranza, perché stavano a contatto col Signore. Anna «non si allontanava mai dal tempio, servendo Dio notte e giorno con digiuni e preghiere». Ecco il segreto: non allontanarsi dal Signore, fonte della speranza. Diventiamo ciechi se non guardiamo al Signore ogni giorno, se non lo adoriamo.

Cari fratelli e sorelle, **ringraziamo Dio per il dono della vita consacrata** e chiediamo uno sguardo nuovo, che sa **vedere la grazia**, che sa **cercare il prossimo**, che sa **sperare**. Allora anche i nostri occhi vedranno la salvezza.

*Papa Francesco 1.2.2020*